

**REGIONAL NEWS UNIT  
ALL INDIA RADIO, AGARTALA  
Date: 05-02-2025  
Time: 07:55-08:05 PM Hrs  
BENGALI EVENING BULLETIN**

---

**Headlines :**

- (১) স্বরাষ্ট্রমন্ত্রী অমিত শাহ আজ ভারুয়ালভাবে আগরতলার স্বামী বিবেকানন্দ ময়দানে নিয়োগ পত্র প্রদান করেন।
- (২) মুখ্যমন্ত্রী অধ্যাপক ডাঃ মানিক সাহা বলেছেন রাজ্য সরকার ২০১৮-১৯ অর্থবছর থেকে চলতি বছরের জানুয়ারি মাস পর্যন্ত বিভিন্ন পদে ১৬ হাজার ৪৫১ জনকে নিয়োগ করেছে।
- (৩) সংসদের উভয় কক্ষের যৌথ অধিবেশনে রাষ্ট্রপতি দ্রৌপদী মুর্মুর ভাষণের ওপর ধন্যবাদ প্রস্তাবটি লোকসভায় গৃহীত হয়েছে।
- (৪) ৩৮তম জাতীয় গেমসের ষষ্ঠ দিনে শেষ খবর পর্যন্ত কর্ণাটক তালিকার শীর্ষে রয়েছে।

\*\*\*\*\*

**Offer Distribution :**

স্বরাষ্ট্রমন্ত্রী অমিত শাহ আজ ভারুয়ালভাবে আগরতলার স্বামী বিবেকানন্দ ময়দানে নিয়োগ পত্র প্রদান করেন। আজ স্বাস্থ্য দপ্তরে ফার্মাসিস্ট, ল্যাব টেকনেশিয়ান এবং রাজ্য সরকারের বিভিন্ন দপ্তরে জেআরবিটি কর্তৃক মাল্টি টাস্কিং স্টাফ পদে ২,৮০৬ জনকে নিয়োগ পত্র দেয়া হয়। অনুষ্ঠানে তিনি বলেন ত্রিপুরার সর্বাঙ্গীন বিকাশের জন্য প্রধানমন্ত্রী নরেন্দ্র মোদী ও ত্রিপুরা সরকার ধারাবাহিক ভাবে কাজ করে চলেছে।

#####Byte-Amit Shah Offer#####

তিনি বলেন ত্রিপুরা এখন স্বাস্থ্য, যোগাযোগ থেকে শুরু করে গুরুত্বপূর্ণ ক্ষেত্রগুলিতে অভূতপূর্ব উন্নতি করেছে। তিনি বলেন ত্রিপুরা এখন সম্পূর্ণভাবে সন্ত্রাসমুক্ত অঞ্চল হিসেবে স্বীকৃতি পেয়েছে। ফলে উন্নয়নের ধারা অব্যাহত রয়েছে। তিনি বিগত সরকারের আমলে চাকুরী ক্ষেত্রে স্বজন পোষনের অভিযোগ করে বলেন বর্তমান সরকার গঠন হওয়ার পর সম্পূর্ণ দুর্নীতি মুক্ত ও স্বচ্ছতা বজায় রেখে নিয়োগ প্রক্রিয়া চলছে। অমিত শাহ উত্তর পূর্বাঞ্চল নিয়ে বলতে গিয়ে জানান প্রধানমন্ত্রী নরেন্দ্র মোদির নেতৃত্বে উত্তর পূর্বাঞ্চল বিকাশের পথে অগ্রসর হয়ে চলেছে। তিনি বলেন গত ১০ বছরে উত্তর পূর্বাঞ্চলে কেন্দ্রীয় মন্ত্রীরা সফর করেছেন এবং বহু যুগান্তকারী সিদ্ধান্ত গ্রহণ করা হয়েছে। তিনি বলেন আজকের অনুষ্ঠান একটি যুগ পরিবর্তনের কর্মসূচি। তিনি বলেন নিয়োগ প্রাপকরা বিকশিত ভারত ও বিকশিত ত্রিপুরা গঠনের প্রক্রিয়াতে আজ যুক্ত হয়ে যাবেন।

#####Byte-Amit Shah-Tripura#####

অনুষ্ঠানে মুখ্যমন্ত্রী অধ্যাপক ডাঃ মানিক সাহা বলেছেন রাজ্য সরকার ২০১৮-১৯ অর্থবছর থেকে চলতি বছরের জানুয়ারি মাস পর্যন্ত বিভিন্ন পদে ১৬ হাজার ৪৫১ জনকে নিয়োগ করেছে। তাছাড়া বিভিন্ন আউটসোর্সিং ও চুক্তিভিত্তিকভাবে এখন পর্যন্ত ৫ হাজার ৭৭১ জনের কর্মসংস্থানের ব্যবস্থা করা হয়েছে। তিনি বলেন গত তিন বছরে ইন্ডাস্ট্রিয়াল ডেভলপমেন্ট কর্পোরেশনের অন্তর্গত বিভিন্ন ইন্ডাস্ট্রিয়াল এস্টেটে ১ হাজার ৬১৭ জনকে নিয়োগ করা হয়েছে। ২০১৮-১৯ অর্থবছর থেকে আগরতলা, ধর্মনগর, কৈলাশহরে মডেল ক্যারিয়ার সার্ভিস সেন্টারের মাধ্যমে এখন পর্যন্ত ৯৮টি নিয়োগ মেলা অনুষ্ঠিত হয়েছে। এর মাধ্যমে ২ হাজার ১৩৫ জনকে বেসরকারী সংস্থায় নিয়োগ করা হয়েছে। জেআর বিটির মাধ্যমে ২০২৩ সালের ডিসেম্বর মাসে ৩৫টি দপ্তরে গ্রুপ-সি পদে ১ হাজার ৯৮০ জনকে নিয়োগ করা হয়েছে। মুখ্যমন্ত্রী বলেন রাজ্য সরকার স্বচ্ছতা বজায় রেখে স্বচ্ছ নিয়োগ

নীতি প্রণয়ন করে সরকার ধারাবাহিকভাবে নিয়োগ প্রক্রিয়া চালু রেখেছে।

#####Byte-CM-Offer#####

অনুষ্ঠানে মন্ত্রীসভার সদস্যগণ, মুখ্যসচিব জে কে সিনহা, তথ্য সংস্কৃতি দপ্তরের সচিব পি কে চক্রবর্তী প্রমুখ উপস্থি ছিলেন।

\*\*\*\*\*

**Governor :**

নয়াদিল্লির ন্যাশনাল ডিফেন্স কলেজের এক প্রতিনিধি দল আজ আগরতলায় রাজভবনে রাজ্যপাল ইন্দ্রসেনা রেড্ডি নাল্লুর সঙ্গে সৌজন্যমূলক সাক্ষাতে মিলিত হন। এই দলের নেতৃত্বে ছিলেন ন্যাশনাল ডিফেন্স কলেজের সেক্রেটারি ব্রিগেডিয়ার রাজেশ রমন। রাজ্যপাল প্রতিনিধিদের সংবর্ধনা জানিয়ে ত্রিপুরার সমৃদ্ধ সংস্কৃতি, ইতিহাস, ঐতিহ্য এবং ভৌগলিক অবস্থান তুলে ধরেন। ন্যাশনাল ডিফেন্স কলেজের আধিকারিকগণও ত্রিপুরা সফরে তাদের অভিজ্ঞতার কথা তুলে ধরেন। এই প্রতিনিধি দলে পদাতিক, বায়ুসেনা, নৌসেনা আধিকারিকগণ সহ অস্ট্রেলিয়া, মায়ানমার, ইন্দোনেশিয়া, মালদ্বীপ এবং তানজানিয়ার প্রতিনিধিগণও ছিলেন।

\*\*\*\*\*

**Update Akashvani :**

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

\*\*\*\*\*

**Loksabha :**

সংসদের উভয় কক্ষের যৌথ অধিবেশনে রাষ্ট্রপতি দ্রৌপদী মুর্মুর ভাষণের ওপর ধন্যবাদ প্রস্তাবটি লোকসভায় গৃহীত হয়েছে। প্রধানমন্ত্রী নরেন্দ্র মোদীর উত্তরের পর গতকাল ধ্বনিভোটে প্রস্তাবটি গৃহীত হয়। ধন্যবাদ প্রস্তাবের উপর সংসদে বিতর্কের জবাবে প্রধানমন্ত্রী সংবিধানে অন্তর্ভুক্ত মূল্যবোধগুলিকে শক্তিশালী করার জন্য তাঁর সরকারের অটল প্রতিশ্রুতি তুলে ধরেন। রাষ্ট্রপতির ভাষণে সংবিধানের ৭৫ বছর পূর্তির বিষয়ে বিস্তারিত আলোচনা করা হয়েছে, সেই কথা উল্লেখ করে প্রধানমন্ত্রী জোর দিয়ে বলেন যে সংবিধানের অনুচ্ছেদগুলির পাশাপাশি, এর চেতনাকে অবশ্যই পালন করতে। প্রধানমন্ত্রী বলেন যে তাঁর সরকার উচ্চাকাঙ্ক্ষী ভারত গড়ে তোলার জন্য কৃত্রিম বুদ্ধিমত্তার শক্তিকে কাজে লাগাচ্ছে।

তিনি বলেন, সরকার দেশের তিন কোটি নারীকে লক্ষপতি দিদি হিসেবে গড়ে তুলতে প্রতিশ্রুতিবদ্ধ। তিনি বলেন, সরকার ন্যূনতম সহায়ক মূল্য বৃদ্ধি করে এবং প্রধানমন্ত্রী কিষাণ সম্মান নিধির প্রকল্পের আওতায় আর্থিক সহায়তা প্রদান করে কৃষকদের কল্যাণের জন্যও কাজ করছে। তিনি বলেন, সরকার ক্ষুদ্র, মাঝারি ও মাঝারি শিল্পগুলিকে তাদের বৃদ্ধির জন্য আর্থিক এবং অন্যান্য সহায়তা প্রদানের ফলে যুবকদের জন্য লক্ষ লক্ষ কর্মসংস্থানের সৃষ্টি হয়েছে।

\*\*\*\*\*

**Mahakumbh-PM :**

এবার মহাকুস্তের খবর।

#####Sound Byte#####

প্রধানমন্ত্রী নরেন্দ্র মোদী আজ প্রয়াগরাজের মহাকুস্তে ত্রিবেণী সঙ্গমে পবিত্র স্নান করেছেন। সামাজিক মাধ্যমে তিনি বলেছেন, সঙ্গমে স্নান হল ঐশ্বরিক সংযোগের একটি মুহূর্ত। প্রধানমন্ত্রী আশা প্রকাশ করেন যে, মা গঙ্গা দেশবাসীকে শান্তি, জ্ঞান, সুস্বাস্থ্য এবং সম্প্রীতির আশীর্বাদ করবেন।

প্রধানমন্ত্রী মোদী উত্তর প্রদেশের মুখ্যমন্ত্রী যোগী আদিত্যনাথের সঙ্গে নৌকায করে ত্রিবেণী সঙ্গমে পৌঁছান। শ্রী মোদী ত্রিবেণী সঙ্গমে আরতি ও পূজা করেন। উল্লেখ্য, ভারতের আধ্যাত্মিক ও সাংস্কৃতিক ঐতিহ্যের প্রচার ও সংরক্ষণের জন্য সরকারের প্রতিশ্রুতি অনুসারে, প্রধানমন্ত্রী তীর্থস্থানগুলিতে পরিকাঠামো ও সুযোগ-সুবিধা বৃদ্ধির জন্য ধারাবাহিকভাবে সক্রিয় পদক্ষেপ নিয়েছেন। গত ডিসেম্বর মাসে প্রয়াগরাজ সফরের সময়, প্রধানমন্ত্রী পাঁচ হাজার ৫০০ কোটি টাকা মূল্যের ১৬৭টি উন্নয়ন প্রকল্পের উদ্বোধন করেছিলেন, যার ফলে সাধারণ মানুষের জন্য যোগাযোগ, সুযোগ-সুবিধা এবং পরিষেবা উন্নত করা হয়। কেন্দ্রীয় মন্ত্রী কিরেন রিজিজুও আজ সকালে মহাকুস্তে পবিত্র স্নান করেছেন। এখন পর্যন্ত ৩৯ কোটিরও বেশি ভক্ত ত্রিবেণী সঙ্গমে পবিত্র স্নান করেছেন।

#####Sound Byte#####

\*\*\*\*\*

#### **Delhi Election :**

৭০ আসন বিশিষ্ট দিল্লি বিধানসভা নির্বাচনে বিকেল ৫টা পর্যন্ত প্রায় ৫৮ শতাংশ ভোট পড়েছে। আজ ৬৯৯ জন প্রার্থীর ভাগ্য নির্ধারিত হয়েছে। ভোট গণনা হবে আগামী শনিবার।

\*\*\*\*\*

## **Farmer Fair :**

রাজ্যের মৎস্য চাষীদের নিয়ে একদিনের প্রশিক্ষণ শিবির ও মৎস্য সামগ্রী বিতরণ অনুষ্ঠান আজ আগরতলার লেন্সুছড়াস্থিত কলেজ অফ ফিসারী কলেজে অডিটরিয়ামে অনুষ্ঠিত হয়। কর্মশালার উদ্বোধন করেন লখনৌ আই.সি.এ.আর-ন্যাশনাল ব্যুরো ফিস জেনেটিক রিসার্চের অধিকর্তা ড: উত্তম কুমার সরকার। তিনি বলেন এই সংস্থার প্রধান কাজ হচ্ছে দেশের বিভিন্ন জায়গায় সরকারি ও বেসরকারি প্রতিষ্ঠানের সঙ্গে যুক্ত হয়ে জলবায়ুর সঙ্গে সামঞ্জস্য রেখে জলজ সম্পদ উৎপাদন বৃদ্ধি করা। পাশাপাশি বিভিন্ন প্রজাতির মাছ উৎপাদনে গবেষণাধর্মী কাজ করা।

#####Byte-Dr. Uttam Sarkar#####

অনুষ্ঠানে স্বাগত ভাষণে লেন্সুছড়া কলেজ অফ ফিশারির ডিন ড: এবি প্যাটেল বলেন রাজ্যে মাছের চাহিদার তুলনায় উৎপাদনের কিছু ঘাটতি রয়েছে। তা পূরনের লক্ষ্যেই কাজ করছে রাজ্য সরকার। সেই লক্ষ্যেই কলেজ অফ ফিসারি, আইসিএআর ও রাজ্য সরকার মিলিতভাবে কাজ করছে। আজ প্রশিক্ষণ শিবিরে ৩০০ জন মৎস্য চাষী উপস্থিত ছিলেন। তাদের হাতে মৎস্য উৎপাদনের বিভিন্ন সামগ্রী তুলে দেওয়া হয়। উপস্থিত ছিলেন রাজ্য সরকারের প্রাক্তন সচিব দেবশীষ বসু, টেকনো ইন্ডিয়া ইউনিভার্সিটির আগরতলার ভাইস চ্যান্সেলর ড, আর এল সাহা, আই সি এ আর এর বিজ্ঞানী বিশ্বজিৎ দাস।

\*\*\*\*\*

## **LOP Visit Sabroom :**

বিরোধী দলনেতা জিতেন্দ্র চৌধুরী আজ সাব্রুম বিধানসভা কেন্দ্রের সাব্রুমের সক্তি বাজার ও দৌলবাড়ি গ্রাম পঞ্চায়েতের গাংফিরা এলাকা পরিদর্শন করেন। বিধায়ক এলাকা উন্নয়ন তহবিলের ১০ লক্ষ টাকায় সাব্রুমে সক্তি বাজার শেড এবং ২১

লক্ষ টাকায় গাংফিরা বৌদ্ধ মন্দিরে কমিউনিটি হলের নির্মান কাজের অগ্রগতির বিষয়ে খোঁজ খবর নেন।

\*\*\*\*\*

#### **National Games :**

উত্তরাখণ্ডে অনুষ্ঠিত ৩৮তম জাতীয় গেমসের ষষ্ঠ দিনে শেষ খবর পর্যন্ত মোট ১৯৯টি স্বর্ণপদকের ফয়সলা হয়েছে। এরমধ্যে ২৮টি স্বর্ণপদক নিয়ে কর্ণাটক তালিকার শীর্ষে রয়েছে। ২৭টি স্বর্ণপদক নিয়ে সার্ভিসেস স্পোর্টস কন্ট্রোল বোর্ড দ্বিতীয় স্থানে এবং ১৭টি স্বর্ণপদক নিয়ে মধ্যপ্রদেশ তৃতীয় স্থানে উঠে এসেছে।

এদিকে, গেমসে মহিলাদের ফুটবলের ফাইন্যালে ওড়িশা ও হরিয়ানা পরস্পরের মুখোমুখি হবে। আজ আসরে দুটি সেমিফাইনালে ওড়িশা ৫-১ গোলে দিল্লিকে এবং হরিয়ানা ৪-১ গোলে পশ্চিমবঙ্গকে পরাজিত করে।

\*\*\*\*\*

#### **Birsa Munda Football :**

উপজাতি কল্যান দপ্তরের উদ্যোগে রাজ্যের উপাজাতি ছাত্রাবাসগুলির মধ্যে আয়োজিত ভগবান বীর্সা মুন্ডা ফুটবল প্রতিযোগিতা আজ থেকে আগরতলায় শুরু হয়েছে। পর্যটনমন্ত্রী সুশান্ত চৌধুরী উমাকান্ত মিনি স্টেডিয়ামে আসরের উদ্বোধন করেন। অনুষ্ঠানে উপাজাতি কল্যাণমন্ত্রী বিকাশ দেববর্মা আগরতলা পুর নিগমের মেয়র দীপক মজুমদার উপস্থিত ছিলেন। আসরের উদ্বোধনী খেলাটি হয় মেয়েদের বিভাগে। এতে গোমতী জেলা দল ৯-০ গোলে ঊনকোটি জেলা দলকে হারিয়ে দেয়। আগামী ৮ ফেব্রুয়ারি পর্যন্ত এই আসর চলবে।

\*\*\*\*\*